

Հաստատված է՝

ԵՄԽՀ գիտական խորհրդի

Ռեկտոր

Ա.Ս.Աղաբաբյան

ԿԱՆՈՆԱԿԱՐԳ

ԵՐԵՎԱՆԻ ՄՈՎՍԵՍ ԽՈՐԵՆԱՑՈՒ ԱՆՎԱՆ ՀԱՄԱԼՍԱՐԱՆԻ
ԲԱԿԱԼԱՎՐԻԱՏԻ ՈՒՍԱՆՈՂՆԵՐԻ ԳԻՏԵԼԻՔՆԵՐԻ ԳՆԱՀԱՏՄԱՆ

Ընդհանուր դրույթներ

Սույն կանոնակարգով կարգավորվում է համալսարանում բակալավրիատի կրթական ծրագրով ուսանողների գիտելիքների գնահատման համակարգը, որի հիմքում դրված է մասնագիտական առարկաներից ընթացիկ և եզրափակիչ քննությունների անցկացման ընթացակարգերը:

Ընթացիկ քննություններ

Ընթացիկ քննությունների կիրառումը հետապնդում է 3 նպատակ՝
ա/ ապահովել առարկայից առավել խոր գիտելիքների յուրացում՝ կիսամյակի ընթացքում ուսանողի կողմից կատարվող աշխատանքի միջոցով:

բ/ դյուրացնել ուսումնառության գործընթացը՝ հնարավորություն ընձեռելով ուսանողին դասընթացը հանձնել մաս առ մաս:

գ/ բարձրացնել ուսանողների ուսումնական կարգապահությունը:

1. Քննաձևը

- 1.1. Ընթացիկ քննությունը կիսամյակի ընթացքում՝ մինչև քննաշրջանը, դասընթացի որոշակի բաժնի /բաժինների/ յուրացման մակարդակի ստուգումն ու գնահատումն է:
- 1.2. Ընթացիկ քննություններ սահմանվում են բակալավրիատի 1-7 կիսամյակներում՝ քննությամբ ավարտվող մասնագիտական դասընթացների համար:
- 1.3. Յուրաքանչյուր կիսամյակում դասավանդվող առարկաներից սահմանվում են մեկ ընթացիկ և մեկ եզրափակիչ քննություններ: Ընթացիկ քննությունների ընդհանուր թիվը յուրաքանչյուր կիսամյակում չպետք է գերազանցի վեցը:
- 1.4. Ընթացիկ քննությունների ցանկը և անցկացման ժամանակացույցն առաջարկում է ֆակուլտետի դեկանատը և հաստատում է պրոռեկտորը: Այդ մասին ուսանողներին տեղեկացվում է կիսամյակի սկզբին:
- 1.5. Ընթացիկ քննությունների հաստատված ժամանակացույցի մեկ օրինակը հանձնվում է ուսումնական վարչություն:
- 1.6. Ընթացիկ քննությունները և դրանց մարումը անց են կացվում գրավոր եղանակով /բացառիկ դեպքերում, ֆակուլտետի խորհրդի հիմնավորմամբ և ռեկտորատի համաձայնությամբ՝ բանավոր/: Սահմանվում է գրավոր քննության չորս ձև՝ հարցաշար /թեստ/, ստուգողական աշխատանք, նախորդ երկուսի գուգակցում, ստեղծագործական աշխատանք: Քննաձևի ընտրությունը և անհրաժեշտ նյութերի պատրաստումը իրականացնում է համապատասխան ամբիոնը՝ դեկանի հսկողությամբ:
- 1.7. Ընթացիկ քննություններն անցկացնում են տվյալ առարկան դասավանդող դասախոսները՝ առարկային դասացուցակով հատկացված ժամերին: Ընթացիկ քննությունները հանձնելու համար ուսանողը դասերից չի ազատվում:

Քննությունների անցկացման նկատմամբ հսկողությունը իրականացվում է դեկանատի և ուսումնական վարչության կողմից:

- 1.8. Եզրափակիչ քննությունը տվյալ դասընթացի կիսամյակային նյութի յուրացման ամփոփումն ու գնահատումն է: Եզրափակիչ քննություններն անցկացվում են բանավոր կամ գրավոր /դեկանատի հայեցողությամբ/ քննաշրջանին հատկացված ժամանակաշրջանում:
- 1.9. Ստուգարքների ընդունումը կազմակերպվում է կիսամյակի վերջին շաբաթվա ընթացքում:
- 1.10. Ուսանողին արգելվում է մասնակցել տվյալ դասընթացի ընթացիկ քննություններին, եթե լաբորատոր, գործնական կամ սեմինար պարապմունքների կատարողականը 50% -ից պակաս է: Տվյալ դասընթացի լաբորատոր պարապմունքների ստուգարքը չհանձնած ուսանողին չի թույլատրվում մասնակցել այդ առարկայի եզրափակիչ քննությանը, և նա հեռացվում է համալսարանից:

2. Գնահատման կարգը

- 2.1. Ընթացիկ քննությունները գնահատվում են 6 միավորանոց սանդղակով (0-ից մինչև 6 միավոր), մասնակցությունը՝ 4 միավորանոց սանդղակով (0-ից մինչև 4 միավոր), իսկ եզրափակիչ քննությունը գնահատվում է 10 միավորանոց սանդղակով (0-ից մինչև 10 միավոր): Արդյունքում հանրագումարային գնահատականը ստացվում է 20 միավոր:

Հանրագումարային գնահատականի 0-7 միավորին համապատասխանում է 2 (անբավարար) գնահատականը, 8 – 12-ին՝ 3 (բավարար), 13 – 17-ին՝ 4 (լավ) և 18 – 20-ին՝ 5 (գերազանց):

- 2.2. Յուրաքանչյուր քննություն /ընթացիկ կամ եզրափակիչ/ գնահատվում է առանձին: Գրավոր քննության տարբերակում յուրաքանչյուր հարցի համար պետք է նշվի գնահատման առավելագույն միավորը, իսկ առաջադրանքի ծավալը՝ համապատասխանի ընթացիկ քննությանը հատկացվող ժամանակահատվածին: Ուսանողներին արդյունքների մասին տեղեկացնելուց և գրավոր աշխատանքներին ծանոթացնելուց հետո արդյունքներն ամփոփվում են քննական տեղեկագրերում: Ուսանողը իրավունք ունի բողոքարկել իր գնահատականը արդյունքների հրապարակման օրվա ընթացքում, իսկ ստուգող դասախոսի հետ անհամաձայնության դեպքում կարող է երկօրյա ժամկետում բողոքարկելու նպատակով դիմել դասընթացը սպասարկող ամբիոնի վարիչին, ապա ֆակուլտետի դեկանին:

- 2.3. Տվյալ դասընթացի ընթացիկ քննություն չհանձնած (8 միավորից ցածր ստացած կամ չներկայացած) ուսանողները չեն մասնակցում եզրափակիչ քննությանը, իսկ քննական տեղեկագրում որպես վերջնական գնահատական գրանցվում է 2 (անբավարար):

- 2.4. Տվյալ առարկայի քննությունից դրական գնահատական /8 և ավելի միավոր/ ստացած ուսանողը կարող է չմասնակցել այդ առարկայի եզրափակիչ քննությանը՝ պահպանելով իր 3 (բավարար) գնահատականը: Լավ և գերազանց գնահատական ստանալու համար եզրափակիչ քննությանը մասնակցելը պարտադիր է:

- 2.5. Ուսանողն իրավունք ունի ընթացիկ քննությունների արդյունքներով ստացած 3 (բավարար) կամ 4 (լավ) գնահատականը բարձրացնել եզրափակիչ քննության ժամանակ, և այն ենթակա չէ իջեցման:
- 2.6. Դասընթացի ընթացիկ քննությունները հանձնած, սակայն հարգելի պատճառով հանրագումարային քննությանը չներկայացած, բայց այդ մասին դեկանատին նախօրոք տեղեկացրած ուսանողները կարող են բարձրացնել գնահատականը 'բաց դռների' օրը, հակառակ դեպքում՝ դեկանատի կողմից որպես հանրագումարային գնահատական գրանցվում է ընթացիկ քննությունների արդյունքներով ստացած 3 (բավարար) կամ 4 (լավ) գնահատական:
- 2.9 Ընթացիկ քննություններ չունեցող կամ ստուգարքով ավարտվող առարկաների դեպքում քննությանը (ստուգարքին) չներկայացած ուսանողի անվան դիմաց քննական (ստուգարքային) տեղեկագրում գրանցվում է 'չի ներկայացել':
- 2.10. Քննությանը չներկայանալը համարվում է հարգելի միայն երեք օրվա ընթացքում (քննության օրը և դրան հաջորդող 2 աշխատանքային օրերը) դեկանատում գրանցված ուսանողական պոլիկլինիկայի տեղեկանքի կամ դիմումի առկայության դեպքում: Ստացիոնար բուժման մեջ գտնվող ուսանողը կարող է ըստ կարգի ձևակերպել տարկետում կամ ռեկտորատի թույլտվությամբ հետաձգել քննաշրջանը: Սույն կանոնակարգով չնախատեսված դեպքերում դեկանի ներկայացմամբ որոշումը կայացվում է ուսումնական աշխատանքների գծով պրոռեկտորի կողմից:

3. Պարտքերի մարման կարգը

- 3.1. Ուսանողն իրավունք ունի տվյալ առարկայի չհանձնած ընթացիկ քննությունները վերահանձնել հանրագումարային քննությանը նախորդող մեկ-երկու օրվա ընթացքում:
- 3.2. Քննաշրջանի ընթացքում միայն մեկ քննական առարկայից և ամենաշատն երկու ստուգարքից պարտք ունեցող ուսանողները կարող են դրանք վերահանձնել բաց դռների օրը, որն անցկացվում է քննաշրջանին հաջորդող երկու օրվա ընթացքում: Առաջին օրը ուսանողը կարող է վերահանձնել տվյալ առարկայի ընթացիկ քննությունները, իսկ երկրորդ օրը կազմակերպվում է եզրափակիչ քննությունը:
- 3.3. Պարտքերի մարման համար սահմանվում է երեք շրջան, անցկացման ձևը՝ բանավոր կամ գրավոր (դեկանատի հայեցողությամբ):
- 3.4. Մեկ ընթացիկը չհանձնած ուսանողները վերահանձնում են այն (գրավոր) և կարող են հավակնել 5 (գերազանց) գնահատականի պարտքերի մարման միայն 1-ին շրջանում: Տվյալ առարկայի երկու ընթացիկ քննությունները չհանձնած ուսանողները վերահանձնում են ամբողջ դասընթացի նյութն ընդգրկող միասնական տարբերակներով (գրավոր) և չեն կարող հավակնել 5 (գերազանց) գնահատականի: Պարտքերի մարման շրջանում քննության չներկայացած ուսանողի անվան դիմաց տեղեկագրում գրանցվում է 2 (անբավարար):
- 3.5. Ընթացիկ քննություն չունեցող առարկաներից ուսանողը կարող է հավակնել 5 (գերազանց) գնահատականի պարտքերի մարման միայն 1-ին շրջանում: Պարտքերի մարման 2-րդ և 3-րդ շրջաններում քննության չներկայացած ուսանողի անվան դիմաց տեղեկագրում գրանցվում է 2 (անբավարար):
- 3.6. Պարտքերի մարման 3-րդ շրջանում քննությունների ընդունումը կազմակերպվում է հանձնաժողովներով: